

- tem dominum, non violat semet ipsum sua ipsius culpa;
 29. exinde pergit ad summum iter. Naturae autem vi opera
 peracta omnimodo qui cernit, necnon se ipsum eorum non
 30. esse actorem, is vere cernit. Quando animantium privam
 essentiam in unitate comprehensam respicit, et inde quidem
 31. explicatam, tunc numen impetrat. Quia initio caret, et
 qualitatum expers est summus spiritus ille incorruptibilis,
 vel in corpore commorans, Kuntidis nate, neque agit,
 32. neque inficitur. Sicuti omnivagus aether propter sub-
 tilitatem non inficitur, sic ubicunque cum corpore con-
 33. gressus spiritus non inficitur. Sicut illuminat unus uni-
 versum hunc orbem sol, sic TERRENUM universum TERRENI
 34. GNARUS illuminat, o Bhârata. Hunc in modum discrimen
 inter terrenum ac terreni gnarum, scientiae lumine, et eman-
 cipationem animantium a natura qui norunt, ii ad summum
 procedunt.

LECTIO XIV.

ALMUM NUMEN *loquitur* :

1. Egregiam porro effabor scientiam scientiarum praestan-
 tissimam, qua cognita anachoretæ omnes ad egregiam con-
 2. summationem hinc sunt profecti. Hac scientia freti ad meae
 sanctitatis consortium progressi vel in nova creatione denuo
 haud gignuntur, neque in rerum dissolutione percelluntur.
3. Mihi pro utero est magnum Numen : in hoc foetum depono
 equidem; origo omnium animantium hinc existit, o Bhârata.
4. E quolibet utero, Kuntidis nate, quae formae prodeunt,
 harum magnum Numen est uterus, ego semen praebens pa-
 5. ter. Essentia, impetus, caligo : hunc in modum definitae
 qualitates e natura ortae vinculis constringunt, o heros, in